

Nuutsbrief februari 2019

Bèste Veldeke minse,

1. Kascontrole.

Degene, die oppe jaorvergadering wore, wete det de kascontrole door ziekte neet vöör die vergadering haw kènne plaats vènje. Det is noe waal gebäördj. De leje van dees commissie, Rebecca Wanders en Wil Vergoossen, laote in 'n briefke aan 't bestuur wete det de controle op 16 febr. Is gewaes en det zie advisere aan de penningmeister Theo Bougie en aan 't bestuur decharge te verlieëne vöör 't geveurdje financiëel beleid in 2018.

Op de vergadering is aafgespraoke det dit daomit is aafgehanjeldj.

2. De "Daag van de Modertaal" sjènke w'r ouch dit jaor speciaal aandacht. Det is op kómmendje dónderdig 21 februari. Veldeke verzörgtj den 'ne sjoane aovendj mit 'n paar dialect-monologe en mit meziek. Dees activiteit vuntj plaats in de nuje zaal van 't Cultuurhoes aan de Plats (awd gemèndjehoes) en is toegankelijk vöör ederein. De ingank is opzie aan de kantj van de Landricuskèrk. Aanvang 20.00 oer.

3. Ouch in 't Cultuurhoes weurtj op zóndig 24 mieërt 't **ieëste Echter Dictee** gehaoje. Daovöör kan m'n zich noe al opgave óm mit te doon. Mitdoon kan op 2 menere: mitdoon vöör de 1^e, 2^e of 3^e plaats (de jury kiktj den 't dictee nao) of mitdoon en zelf dien dictee naokieke. Deilnummers aan dees sportieve activiteit óm te maete waem zich good witj te behelpe mit 't sjriev van oos dialect, dene zich vööraaf op te gaeve. Det kan allein via de website : www.veldekekrinkech.nl W'r haope natuurlik det ouch versjillende leje dit oppakke en mitdoon. Mer naeve de deilnummers zeen ouch supporters en belangstèllendje hertelik welkom. 't Evenement weurtj óm 14.00 oer geäöpendj door börgemeister Jos Hessels en zal nao verwachting óm zoaget 16.30 oer aafgeloupe zeen.

4. De jeug van de basissjoale in Ech-Zöstere kan zich al weer vöörbereije op de kómmendje **Declamatiewedstried** mit dit jaor finales op 12 (Pej) en 19 (Zöstere) april. De meiste kènjer kènne zich nao de vastelaovendj aanmelje via hun sjoal, mer wo det neet 't geval is, kan m'n ouch 'n gedich oetzeuke in de bibliotheek/laeswinkel en mitdoon door zich te melje bie Veldeke: Piet Aben, tel.482146.

5. Veldeke Bekèt.

Róndj 15 mieërt zal 't volgendje nummer van oos kwartaalblaad bezörgdj waere, mit dao-in ónger angere ouch 't Jaoräöverzich 2018, wie det oppe jaorvergadering is vöörgelaeze.

Tót zeens bie oos activiteite,

Ton van Wegberg, vöörzitter

Vöör vraoge kèntj geer terech bie Ton van wegberg. (tvanwalt@ziggo.nl) of ein van de anger bestuursleje. Kiek hie vöör op oze website <http://veldekekrinkech.nl/euver-vke/bestuur-krink-ech/> Of achter op 't **VELDJEKE bekèt**.